

4 ноября 2013 года. Казанской иконы Божией Матери.

ВСЕНОЩНОЕ БДЕНИЕ. КАНОН:

ПЕСНЬ 1:

ПЕРВЫЙ КАНОН БОГОРОДИЦЫ, ГЛАС 4:

Ирмос: **Отверзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя, // и воспою, радуясь, Той чудеса.**

Припев: **Пресвятая Богородице, спаси нас.**

Тропарь: **Радостно, Чистая, ныне наставшее хваление приношаю, радуясь,/ и тихим гласом, Одигитрие, вопию Ти:// радуйся и исполни мя разума, пети начинающа.**

Припев: **Пресвятая Богородице, спаси нас.**

Тропарь: **Христа родившая, радость нам вечную,/ о радуйся, Всепетая, православных надеждо,/ Одигитрие, всепетая Девице:// радости исполни мя, миру желанныя.**

Припев: **Пресвятая Богородице, спаси нас.**

Тропарь: **Ликуют все человецы и Ангели,/ всегда согласно вопиюще на Небеси и на земли, Одигитрие:// радуйся, Девице, радости бо Рождеством Твоим всяческая исполнила еси.**

Припев: **Пресвятая Богородице, спаси нас.**

Тропарь: **Радость Одигитрие,/ со страхом Ти вопиющих радости сподоби,/ Мати сущия радости, избавляющи скорбей всяческих, // и всех помилуй, к Тебе прибегающих.**

ВТОРОЙ КАНОН БОГОРОДИЦЫ, ГЛАС 4:

Припев: **Пресвятая Богородице, спаси нас.**

Тропарь: **Благоговéют Ти, Богородице, Ангелов начальницы, и святых чини чéстно служат,/ праведнии красуются, Небесных Ходатаицу блажат Тя./ Купно же и земля и Небо в веселии светло восхваляют Тя,/ и мы, грешнии, милости просим:// озари наша сердца, Владычице, воспети песнь святых Твоея иконы явлению.**

Припев: **Пресвятая Богородице, спаси нас.**

Тропарь: **Приидите, соберитесь христоименитии людие, умы тайно очистившеся, во святую церковь Матере Христа Бога нашего:/ источает бо нам неоскудно от святых иконы источник духовен,/ целебен душам и телом, песнь вопиющим:// благословен из Тебе рождейся Бог наш.**

Припев: **Пресвятая Богородице, спаси нас.**

Тропарь: **Дивит, Пренепорочная, и ужасает всяк слух странно чудо Божественнаго Твоего Рождества:/ како Херувимскаго Творца зачала еси;/ како Огонь нестерпимый во утробе носила еси;/ како Сущую Жизнь плотию облекла еси и Живот всему миру родила еси, // Бога купно и человека?**

Слава Отцу, и Сыну, и Святому Духу.

Тропарь: **Под кров Твой, Дево Госпоже, прибегаем вси роди человечести:/ просвети ны**

свѣтом Рождествá Твоегó, грѣшныя раб́ы Тво́я,/ молящися прилѣжно и кланяющися преч́истей Твое́й ико́не,// просяще от Тебѣ при́яти вели́кия мѣлости.

И ны́не и прѣсно и во ве́ки веко́в, ами́нь.

Тропа́рь: Под кров Твой, Дѣво Госпоже́, прибега́ем вси рóди челове́чести:/ просвети́ ны свѣтом Рождествá Твоегó, грѣшныя раб́ы Тво́я,/ молящися прилѣжно и кланяющися преч́истей Твое́й ико́не,// просяще от Тебѣ при́яти вели́кия мѣлости.

КАТАВА́СИЯ:

Хор: Отвѣрзу уста́ моя́,/ и напо́лнятся Дúха,/ и сло́во отры́гну Цари́це Ма́тери,/ и явлю́ся, свѣтло торжествúя,// и воспóю, раду́ясь, То́я чудеса́.

ПЕСНЬ 3:

ПѢРВЫЙ КАНО́Н БОГОРО́ДИЦЫ, ГЛАС 4:

Ирмо́с: Тво́я песносло́вцы, Богоро́дице,/ Живы́й и Незавѣстны́й Исто́чнице,/ лик себѣ совоку́пльшия, духо́вно утверди́,/ в Божѣственной Твое́й сла́ве// венце́в сла́вы сподо́би.

Припев: Пресвятáя Богоро́дице, спаси́ нас.

Тропа́рь: Хри́ста, Вѣшняго Царя́, о раду́йся, непоколебѣмая, чѣстая и одушевлѣнная палáто,/ раду́йся, Оди́гитрие, раду́йся:// Тобо́ю бо неру́шим наш гра́д сохра́няется.

Припев: Пресвятáя Богоро́дице, спаси́ нас.

Тропа́рь: Вместѣти Егóже не возмо́же тварь,/ во утробу неискусобра́чную, Оди́гитрие Деви́це, телѣсно вместѣла еси́:// тѣмже Ти, раду́йся, поѣм, по до́лгу велича́юще.

Припев: Пресвятáя Богоро́дице, спаси́ нас.

Тропа́рь: Ра́дость многопѣтая мѣрови,/ радостно Ти пою́ще прѣсно, вѣчнуюшия, Чѣстая, радостѣ сподобля́емся// Тво́ими ма́терними моли́твами к Рóждшемуся из Тебѣ, Оди́гитрие.

Припев: Пресвятáя Богоро́дице, спаси́ нас.

Тропа́рь: Златúю Тя ста́мну, и свѣщник, и жезл, и трапѣзу, Чѣстая, призывáем, Оди́гитрие,/ и глас е́же раду́йся, Тебѣ прѣсно привноша́ем// с сѣми же имены́.

ВТОРО́Й КАНО́Н БОГОРО́ДИЦЫ, ГЛАС 4:

Припев: Пресвятáя Богоро́дице, спаси́ нас.

Тропа́рь: Кúю Ти досто́йную похвалу́ наше́ принесѣт конѣчно́е неможѣние,/ я́ко явлѣнием преч́истыя Твое́я Божѣственныя ико́ны незавѣстныя исто́чники целѣбныя исто́чаеши// вѣрно прибега́ющим к Тебѣ рабóм Тво́им.

Припев: Пресвятáя Богоро́дице, спаси́ нас.

Тропа́рь: Божѣственныя Твое́я ико́ны святóе явлѣние, Богоро́дице Дѣво,/ я́ко светозáрное возсия́ нам со́лнце, пресла́вных чудѣс лучи́ пуща́ющи,/ тьмы лóбтых обстоя́ний отгона́ющи// свяще́нными Тво́ими, Влады́чице, предста́тельствы.

Припев: Пресвятáя Богоро́дице, спаси́ нас.

Тропарь: **И**спóлнила еси́ благодáти иногдá первописанную Твою́ икóну, Госпожé Дéво Бого-рóдице,/ и ны́не тáже благодáть и́стинствуе́т сия́нием ве́ры чудéс, я́ко тоя́ рáди перво-писанная, // ко спасéнию ве́рно к Тебé по Бóзе прибега́ющим.

Слáва Отцú, и Сы́ну, и Свято́му Дúху.

Тропарь: **П**окланя́емся, Богорóдице, Твоему́ пречы́стому óбразу и преслáдкому Твоему́ Мла-дéнцу,/ превéчному и незаходíмому Свéту, Христú, // Ёмже спаслá еси́ от лю́тых зол и тлéния смéртнаго все челове́ческое естество́.

И ны́не и прýсно и во ве́ки векóв, амíнь.

Тропарь: **П**окланя́емся, Богорóдице, Твоему́ пречы́стому óбразу и преслáдкому Твоему́ Мла-дéнцу,/ превéчному и незаходíмому Свéту, Христú, // Ёмже спаслá еси́ от лю́тых зол и тлéния смéртнаго все челове́ческое естество́.

КАТАВА́СИЯ:

Хор: **Т**воя́ песнослóвцы, Богорóдице,/ **Живы́й и Незавы́стный Исто́чнице,** / лик себе́ совоку́пльшия, духо́вно утверди́, / в Божéственной Твое́й слáве // венце́в слáвы сподо́би.

ЕКТЕНИЯ МА́ЛАЯ...

СЕДА́ЛЕН БОГОРÓДИЦЫ, ГЛАС 8:

Божéственнии Сло́ва апóстоли, / Ева́нгелия Христóва велегласнии вселéнныя благо-вéстницы, / Божéственную цéрковь созда́вше в пресвятóе Твоé имя, Богорóдице, / и к Тебé, Госпожé, приходя́т, моля́ще Тя приити́ на тоя́ освящéние. / Ты же, о Богомáти, реклá еси́: / идите́ с мýром и Аз с ва́ми тáмо есмь. / Онí же, шéдше, обрета́ют тáмо на стенé цéркве Тво-егó, Влады́чице, óбраза подо́бие, / Божéственную писано́ сýлою шарóвными подо́бии, / и ви́девше, поклонíшася Ти и прослáвиша Бóга. / С нýмиже и мы Божéственной Твое́й по-кланя́емся икóне, / прося́ще от Тебé вели́кия мýлости: // да́руй согрешéний оставлéние ра-бо́м Твои́м, Еди́на Благословéнная.

Слáва Отцú, и Сы́ну, и Свято́му Дúху и ны́не и прýсно и во ве́ки векóв, амíнь.

ТОТ ЖЕ СЕДА́ЛЕН БОГОРÓДИЦЫ.

ПЕСНЬ 4:

ПÉРВЫЙ КАНО́Н БОГОРÓДИЦЫ, ГЛАС 4:

Ирмо́с: **С**едя́й в Слáве / на Престо́ле Божества́ / во óблаце лéгце, / прииди́ Иисúс Пребо-жéственный, / Нетлéнною Длáнию / и спасé зовúщия: // слáва, Христé, сýле Твое́й.

Припев: **Пресвятáя Богорóдице, спаси́ нас.**

Тропарь: **Рáдуйся, чúдо чудéс, Одигýтрие Влады́чице.** / Рáдуйся, всех рáдосте градóв и вéсей, / непобедíмое христиáнское в бедáх хранíлище, // и предградие, и на враги́ побеждéние.

Припев: **Пресвятáя Богорóдице, спаси́ нас.**

Тропарь: **Рáдуйся, рáдуйся людéй правослáвных похвалó и христоролю́бивых пáстырей, покрóв**

пробываеши всех, Царнице.// Радуйся, Одигитрие, прибежище всем нам и утверждение.

Припев: **Пресвятая Богородице, спаси нас.**

Тропарь: Радуйся, всем скорое в бедах избавление./ Радуйся, готовое всем скорбящим утешение./ Радуйся, Всепетая, радуйся, Одигитрие Всеблагословенная,// всем немощным Исцелительнице.

Припев: **Пресвятая Богородице, спаси нас.**

Тропарь: Радуйся, Еяже величия вся тварь/ славити убо спешит по достоинию, но не возмогает, Одигитрие,/ и сего ради зовёт Ти:// радуйся, Владычице, Боговместимое жилище.

Второй канон Богородицы, глас 4:

Припев: **Пресвятая Богородице, спаси нас.**

Тропарь: Почтим, людие, Чистыя в чистоте икону Девы Богородицы/ и Той Божественнаго Младенца, Христа Бога нашего,/ и лобызаем и прославляем со страхом и трепетом:/ почитаем бо икону благочестно,// паче же почитаем Самую Тую сущую Чистую Богомать.

Припев: **Пресвятая Богородице, спаси нас.**

Тропарь: Давид, Божественный и чудный пророк, издалеча провидя, глагола:/ лицу Твоему помолются богатыи людие./ Мы же, вернии, поклоняемся и лобызаем честную икону,// душами купно и телесы освящаемы.

Припев: **Пресвятая Богородице, спаси нас.**

Тропарь: Евангелия Христова Богогласный писатель Лука/ Божиим мановением всенепорочный Твой написует образ, Богородице,/ и Младенца Превечнаго на руках Твоих вообразив,/ к немуже притекающая напастей и бед избавляеши,// и вся покрываеши, и спасаеши Твоею милостию.

Слава Отцу, и Сыну, и Святому Духу.

Тропарь: Ты еси похвало и венце святым всем, о Царнице!/ Ты упование наше и Помощнице по Бозе,/ и на Тя надежду спасения нашего возложим вси./ Тебе молимся, яко Божии Матери:// одожди грешным рабом Твоим богатыя Твоя душеспасительныя милости.

И ныне и присно и во веки веков, аминь.

Тропарь: Ты еси похвало и венце святым всем, о Царнице!/ Ты упование наше и Помощнице по Бозе,/ и на Тя надежду спасения нашего возложим вси./ Тебе молимся, яко Божии Матери:// одожди грешным рабом Твоим богатыя Твоя душеспасительныя милости.

КАТАВАСИЯ:

Хор: Седяй в Славе/ на Престоле Божества/ во облаце легце,/ прииди Иисус Пребожественный,/ Нетленною Дланию/ и спасе зовущия:// слава, Христэ, силе Твоей.

ПЕСНЬ 5:

Первый канон Богородицы, глас 4:

Ирмос: Ужасошася всяческая/ о Божественней славе Твоей:/ Ты бо, Неискусобрачная Деву,/ имела еси во утробе над всеми Бога/ и родила еси Безлетнаго Сына,/ всем

воспевающим Тя// мир подающая.

Припев: Пресвятая Богородице, спаси нас.

Тропарь: Благодѣтели бѣдно и щедрѣтам еси, радуися Одигитрие Девѣце,/ радуися, всем радость творящи верным.// О, радуися, сущим в бѣдах, скорбящим пребыстра Заступнице.

Припев: Пресвятая Богородице, спаси нас.

Тропарь: Радости от исполненія величія чудес Твоих зряще исполняемъ вси,/ не зрящи, слышаще же, вернии./ Темже, радуися, Тебѣ присно,// всюду и вси, Одигитрие, поем.

Припев: Пресвятая Богородице, спаси нас.

Тропарь: Христа Бога нашего, о радуися, Одигитрие, жилище/ и дом неизреченной и пребожественной, Девѣ, Славе Его./ О, радуися, палато преукрашенная,// радуися, граде одушевленный, присноцарствующий.

Припев: Пресвятая Богородице, спаси нас.

Тропарь: Радость неоскудную Тя разсмотримъ, яко море, Отроковице, Одигитрие Девѣце,/ радующеся вси, радуися, вопиѣм Ти// и, поюще, Божественных даров невидимо присно от Тебѣ ожидаем.

Второй канон Богородицы, глас 4:

Припев: Пресвятая Богородице, спаси нас.

Тропарь: Всяко, Пречистая, существо воспѣти недоумѣет Тя,/ паче бо Горних умовъ превозвысилася еси,/ рождши неприступнаго и страшнаго Всецаря, и Бога,/ но яко Милостива и скорая человекомъ Помощница,// вонми молѣнию раб Твоихъ и даруй Твою помощь.

Припев: Пресвятая Богородице, спаси нас.

Тропарь: Идѣже осенитъ благодать Твоя, Богородице, страхомъ исчезаютъ дѣмони/ и разрушается злобозненное техъ мечтание, бѣгаютъ дуси темнии,/ радуется же верныхъ все множество, Тебѣ песнь хвальну отъ сердца вопиюще:// радуися, Божественный покрове душъ нашихъ.

Припев: Пресвятая Богородице, спаси нас.

Тропарь: Безочеснымъ сладкое зрѣние даѣтся, глухимъ слышание,/ немымъ благоглаголаніе, хромымъ хожденіе, прокаженнымъ очищеніе,/ демонствуемымъ целомудріе и в болѣзняхъ сущимъ различныхъ исцеленіе// осененіемъ Пречистыя Твоея, Богородице, иконы.

Слава Отцу, и Сыну, и Святому Духу.

Тропарь: Не умолчимъ никогдаже, Богородице, псалмы и пѣснями воспѣвати величія Твоя, Обрадованная:/ Бога бо воистинну воплотившагося родила еси,// во спасеніе наше всемирное и избавленіе.

И ныне и присно и во веки веков, аминь.

Тропарь: Не умолчимъ никогдаже, Богородице, псалмы и пѣснями воспѣвати величія Твоя, Обрадованная:/ Бога бо воистинну воплотившагося родила еси,// во спасеніе наше всемирное и избавленіе.

КАТАВА́СИЯ:

Хор: Ужасо́шася вся́ческая/ о Божественной сла́ве Твое́й:/ Ты бо, Неискусобра́чная Де́во,/ имела еси́ во утробе над все́ми Бо́га/ и родила́ еси́ Безле́тнаго Сы́на,/ всем воспева́ющим Тя// мир подава́ющая.

ПЕСНЬ 6:

ПЕРВЫЙ КАНО́Н БОГОРО́ДИЦЫ, ГЛАС 4:

Ирмо́с: Божественное си́е и всечестно́е/ соверша́юще пра́зднество,/ Богому́дри, Богома́тере,/ прииди́те, рука́ми воспле́щим,// от Нея́ ро́ждшагося Бо́га сла́вим.

Припев: Пресвята́я Богоро́дице, спаси́ нас.

Тропа́рь: Христа́, Чи́стая, прие́млющи,/ глас, е́же ра́дуйся, Оди́гитрие Деви́це, слы́шала еси́,// Его́же неизрече́нно ро́ждши, и ра́дуйся, от всех слы́шиши всегда́.

Припев: Пресвята́я Богоро́дице, спаси́ нас.

Тропа́рь: Ра́дости вся испо́лнила еси́,/ Вы́шняя и ни́жняя Ты совокупи́ла еси́, Оди́гитрие,// те́мже ра́достно и согла́сно ны́не Не́бо и вся земля́ зовет Ти.

Припев: Пресвята́я Богоро́дице, спаси́ нас.

Тропа́рь: Вдова́м, о ра́дуйся, Всепе́тая, и всем си́рым, Оди́гитрие, утеше́ние,// ра́дуйся, всем исто́чающи ны́щим бога́тство неисто́щимо́е.

Припев: Пресвята́я Богоро́дице, спаси́ нас.

Тропа́рь: Зла́та вся́каго блиста́ема и у́тра со́лнечнаго светле́йши,/ жили́ще Христо́во, ра́дуйся, Оди́гитрие, ра́дуйся, Деви́це,// ра́дуйся, Невесто́ Неве́стная.

ВТОРО́Й КАНО́Н БОГОРО́ДИЦЫ, ГЛАС 4:

Припев: Пресвята́я Богоро́дице, спаси́ нас.

Тропа́рь: Божественнаго Твоего́ Рожде́ства, Де́во Госпоже́, пребога́тая благода́ть,/ ю́же дре́вле изглаше́нием предала́ еси́ пречи́стому Твоему́ о́бразу,// неоску́дне де́йствовати вели́кая же и пресла́вная во спасе́ние на Тя наде́ющимся.

Припев: Пресвята́я Богоро́дице, спаси́ нас.

Тропа́рь: Иде́же прославля́ется свято́е и́мя Обра́дованная Богоро́дицы,/ та́мо вся́ческих бла́гих исто́чницы пролива́ются;/ прииди́те в чистоте́, челове́цы,// се бо явле́ние Божественны́я Де́вы ико́ны сказу́ет Цари́цы пришество́ние во спасе́ние всех ве́рных.

Припев: Пресвята́я Богоро́дице, спаси́ нас.

Тропа́рь: Це́ления боле́зней, отгна́ние же страсте́й и душепита́тельное спасе́ние,/ грехо́в прощ́ение и ве́чное избавле́ние от пречи́стыя Твоея́ ико́ны, Влады́чице,// ве́рно приходи́ще, прие́млем, Богома́ти Всенепоро́чная.

Сла́ва Отцу́, и Сы́ну, и Свято́му Ду́ху.

Тропа́рь: К Тебе́, Госпо́же, прибега́ют ро́ди право́рных, про́сят вели́кия ми́лости/ и прие́млют неоску́дно су́щии в недúзех исцеле́ние, в страсте́х премене́ние, в печа́лех утеше́ние./ Исто́чи и мне, Влады́чице, ка́плю душеспаса́тельную,// да со все́ми и аз пою́

Твоё величье.

И ны́не и прѣсно и во ве́ки веко́в, ами́нь.

Тропа́рь: **К** Тебе́, Госпо́же, прибега́ют ро́ди правове́рных, про́сят вели́кия ми́лости/ и прие́млют неоску́дно су́щии в недúзех исцелѣние, в страстѣх премене́ние, в печа́лех утеше́ние./ Исто́чи и мне, Влады́чице, ка́плю душеспаси́тельную, // да со все́ми и аз пою́ Твоё вели́чье.

КАТАВА́СИЯ:

Хор: **Божѣственное си́е и всечестно́е/ соверша́юще прѣзднество,/ Богому́дри, Богома́тере,/ прииди́те, рука́ми воспле́щим, // от Нея́ ро́ждшагося Бо́га сла́вим.**

ЕКТЕНІЯ МА́ЛАЯ...

КОНДА́К БОГОРО́ДИЦЫ, ГЛАС 8:

Притеце́м, лю́дие, к ти́хому сему́ и до́брому пристѣнищу,/ ско́рой Помо́щнице, го́товому и те́плому спасѣнию, покрóву Дѣвы,/ ускори́м на моли́тву и потщи́мся на пока́яние,/ исто́чает бо нам неоску́дныя ми́лости Пречи́стая Богоро́дица,/ предва́ряет на по́мощь и избавля́ет от вели́ких бед и зол/ благона́вныя и богобо́ящия рабы́ Своѣя́.

Икос:

Смысл очи́стивше и ум, притеце́м к Богоро́дице,/ све́тло пе́снями ублажа́юще Ю́,/ и пречи́стую ико́ну Ея́ прославля́ем и чтим,/ и припа́дающе покланя́емся я́ко Само́й су́щей о́ной:/ честь бо ико́ны на Первообра́зное восхо́дит,/ и почита́яй и покланя́яйся ей почита́ет са́мое Первообра́зное,/ я́коже Божѣственнии отцы́ реко́ша. И а́ще кто не чтит Пресвяты́я Богоро́дицы и не покланя́ется ико́не Ея́, ана́фема да бу́дет:/ посрамля́ет бо и погубля́ет не чту́щия Ю́, // избавля́ет же от вели́ких бед и зол, благона́вныя и Богобо́ящия рабы́ Своѣя́.

ПЕСНЬ 7:

ПѢРВЫЙ КАНО́Н БОГОРО́ДИЦЫ, ГЛАС 4:

Ирмо́с: **Не послужи́ша тва́ри Богому́дри/ па́че Созда́вшаго,/ но, о́гненное прещѣние му́жески попра́вше,/ ра́довахуся, пою́ще: // препѣты́й отце́в Госпо́дь и Бог, благосло́вѣн еси́.**

Припев: **Пресвята́я Богоро́дице, спаси́ нас.**

Тропа́рь: **Ра́дуйся, ра́дуйся, Богоро́дице Оди́гитрие,/ всех и всегда́ наставля́ющи ве́рных ше́ствовати ко вся́кому пу́ти спаси́тельному, // ра́дуйся Влады́чице, Тобо́ю бо прѣсно избавля́емся настоя́щия ва́рварския бе́ды.**

Припев: **Пресвята́я Богоро́дице, спаси́ нас.**

Тропа́рь: **Ра́дуйся, ра́дуйся Оди́гитрие,/ бдя́щи и моля́щися о нас к Богу,/ и вся́кия зло́бы хо́датайством Твои́м вся́ческих скорбе́й, // Богороди́тельнице, всех люде́й избавля́ющи.**

Припев: **Пресвята́я Богоро́дице, спаси́ нас.**

Тропа́рь: **Ра́дуйся, ра́дуйся Пресвята́я Оди́гитрие,/ проше́ния на́ша к пользе́ нам исполня́ющи // и хотя́щи всем прѣсно всегда́ любодру́жное благо́е еди́нство, спешно́е же во**

изящных.

Припев: **Пресвятая Богородице, спаси нас.**

Тропарь: **Ра́дуйся, ра́дуйся, кораблём Одигитрие,/ нуждно плавающим, избавляющи верных/
и всем избавление от всякия скорби и недуги// пестротныя и медленныя разрешающи
вскоре.**

Второй канон Богородицы, глас 4:

Припев: **Пресвятая Богородице, спаси нас.**

Тропарь: **Приидите, почерпем отпущение от неистощимаго источника,/ точащаго святыню Пре-
чи́стыя Девы/ и Той Пречи́стаго Младенца, Божия Сло́ва, нас ради вочеловечшагося./ К
Нему́ возопийм:/ Творче Избавителю,// препрославленный со Отцем и Духом, Бо́же, благо-
словен еси́.**

Припев: **Пресвятая Богородице, спаси нас.**

Тропарь: **Неусыпную, Чистая, и Богоприятную имущи молитву,/ и непреодолеемую державу
крепости,/ врагов наших дерзость, яже на ны, разорй/ и вья их под нозе верному
народу нашему низложй,/ да возвеселимся о Тебе, раби, Сыну Твоему вопиюще:// отец
наших Бо́же, благословен еси́.**

Припев: **Пресвятая Богородице, спаси нас.**

Тропарь: **Ра́дуемся и веселимся, вернии лю́дие, чудному явлению иконы Пречи́стыя Вла-
дычицы Богородицы:/ река́ бо явйся неисчерпаема, целebную воду точащи,/ слепым бо
видети даёт и глухим слышание,// хромым хождение, и всем сущим в недужех без-
мездное исцеление.**

Слава Отцу́, и Сыну, и Святому́ Духу.

Тропарь: **Неиспытана глубина́, неведомо таинство, непостижим образ, Дево, зачатия Твое-
го,/ зачатие без семени, без мужа рождество./ Безплотный воплотися, Превечный мла-
денствует,/ Сын Божий, Сын Тебе́, Девы, бывает, Ему́же вопиём:// Бо́же, благословен
еси́.**

И ны́не и присно и во веки веко́в, ами́нь.

Тропарь: **Неиспытана глубина́, неведомо таинство, непостижим образ, Дево, зачатия Твое-
го,/ зачатие без семени, без мужа рождество./ Безплотный воплотися, Превечный мла-
денствует,/ Сын Божий, Сын Тебе́, Девы, бывает, Ему́же вопиём:// Бо́же, благословен
еси́.**

КАТАВАСИЯ:

Хор: **Не послужиша твари Богомудрии/ паче Создавшаго,/ но, огненное прещение
мужески поправше,/ радовахуса, поюще:// препетый отец Господь и Бог, благо-
словен еси́.**

ПЕСНЬ 8:

ПЕРВЫЙ КАНОН БОГОРОДИЦЫ, ГЛАС 4:

Ирмос: **Отроки благочестивыя в пещи/ Рождество Богородичо спасло есть;/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте, дела,// и превозносите Его во вся веки.**

Припев: **Пресвятая Богородице, спаси нас.**

Тропарь: **Радуйся, Всеблагословенная Марие,/ из Тебе бо Всеблагословенный Бог одевся во всего мя человека/ и, одевся, соедини Своему Божеству неизреченным соединением, Дево Одигитрие;// радуйся, Обрадованная, радости всего мира.**

Припев: **Пресвятая Богородице, спаси нас.**

Тропарь: **Радуйся, лукавых духов Прогонительнице;/ радуйся, Богородице Одигитрие;/ радуйся, Юже Небесная невидимая воинства славословят всегда и величают яко Матерь Божию бывшую;// радуйся, Яже нижняя сочетавши с Вышними.**

Припев: **Пресвятая Богородице, спаси нас.**

Тропарь: **Радуйся, всех Небесных сил без разсуждения превосходящая;/ радуйся, Одигитрие;/ радуйся, всякия твари яко Бога Родшая господствующи, ей, Владычице Всепетая;// радуйся, пребываеши Дева Чистая и по рождестве.**

Припев: **Пресвятая Богородице, спаси нас.**

Тропарь: **Радуйся, женам всем славо, храме преосвященный Бога нашего,/ радуйся Одигитрие;/ радуйся, душеспасительная всей вселенней;/ радуйся, покрывающий облаче, Небес ширшая;// радуйся, мироположнице, Божественного мира полна.**

ВТОРОЙ КАНОН БОГОРОДИЦЫ, ГЛАС 4:

Припев: **Пресвятая Богородице, спаси нас.**

Тропарь: **Ум Ангельский и человеческий ужасается, Богородице,/ како Бога Небесного, ложеснами объемши, воплотила еси,/ како, Младенца рождши, яко Сына на руку носиши/ Егоже ужасается тварь и трепещут Горнии Престоли, вопиюще непрестанно:// Свят, Свят, Свят еси Боже, препетый и превозносимый во веки.**

Припев: **Пресвятая Богородице, спаси нас.**

Тропарь: **Радуйся, сущая радости всего мира,/ со Архангелом Гавриилом вопиём Ти, Богородице;/ радуйся, вместилище Невместимаго;/ радуйся, Благодатная, носило Божества всего;/ радуйся, Адамово воззвание, с Тобю Господь, и Тебе ради с нами спаса нас,// Егоже поём и превозносим во веки.**

Припев: **Пресвятая Богородице, спаси нас.**

Тропарь: **Корень Иисеев освященный, корень греха нашего исторгнула еси;/ жезл Ааронов процветший, Жизнодателя цвета израстивши Христа;/ стамно манноприемная, смерти всю силу сокрушила еси/ и в породу жизни возвела еси род человеческий:// темже Ты поём, добрых виновную.**

Благословим Отца, и Сына, и Святаго Духа, Господа.

Тропáрь: Ты похвалá христиáном есѣ, Владѣчице,/ Ты ору́жие на врагѣ и стенá к Тебѣ прибе-
га́ющим./ Тя и ны́не на по́мощь призывáем, Госпожé,/ не даждь врагóм вознестѣся на
лю́ди Твоѣ,/ ѡ́же Тебѣ не хва́лят, ни Сѣ́на Твоегó, Богорóдице, и Твоѣй икóне не
клáняются:// сих победѣи и дýши нáша спáси.

И ны́не и прѣсно и во вѣки векóв, амѣнь.

Тропáрь: Ты похвалá христиáном есѣ, Владѣчице,/ Ты ору́жие на врагѣ и стенá к Тебѣ прибе-
га́ющим./ Тя и ны́не на по́мощь призывáем, Госпожé,/ не даждь врагóм вознестѣся на
лю́ди Твоѣ,/ ѡ́же Тебѣ не хва́лят, ни Сѣ́на Твоегó, Богорóдице, и Твоѣй икóне не
клáняются:// сих победѣи и дýши нáша спáси.

КАТАВА́СИЯ:

Хор: Хва́лим, благословѣм, поклáняемсѣ Гóсподеви, пою́ще и превозно́сѣще во вся
вѣки.

**О́троки благочестѣвыя в пѣщи/ Рождество́ Богорóдичо спасло́ есть;/ тогда́ ўбо
образу́емое,/ ны́не же дѣ́йствуемое,/ вселѣ́нную всю воздвизáет пѣти Тебѣ:/
Гóспода по́йте, делá,// и превозно́сите Егó во вся вѣки.**

Диакон: Богорóдицу и Мáтерь Свѣта в пѣснех возвелѣчим.

ПЕСНЬ ПРЕСВЯТО́Й БОГОРÓДИЦЫ:

Хор: Вели́чит душá Моѣ Гóспода,/ и возра́довасѣ дух Мой о Бóзе Спáсе Моём.
**Честнѣ́йшую Херувѣ́м/ и Слáвнейшую без сравнѣ́ния Серафѣ́м,/ без ислѣ́ния
Бóга Слóва рóждшую,/ сýщую Богорóдицу, Тя величáем.**

Я́ко призре́ на смире́ние рабы́ Своеѣ,/ се бо от ны́не ублажáт Мя вси рóди.

Честнѣ́йшую...

**Я́ко сотвори́ Мне вели́чие Сѣ́льный,/ и свято́ Ё́мя Егó, и мѣ́лость Егó в рóды родóв
бо́ящимсѣ Егó.**

Честнѣ́йшую...

Сотвори́ держáву мѣ́шцею Своею́,/ расточи́ гóрдыя мѣ́слию сѣ́рдца их.

Честнѣ́йшую...

**Низложи́ сѣ́льныя со престóл, и вознесе́ смире́нныя;/ а́лчущия испóлни благ, и бо-
гатѣ́ющия отпу́сти тщи.**

Честнѣ́йшую...

**Восприѣ́т Израѣ́ля о́трока Своегó, помяну́ти мѣ́лости,/ я́коже глаго́ла ко отцѣ́м
нáшим, Авраáму и сѣ́мени егó, дáже до вѣ́ка.**

Честнѣ́йшую...

ПЕСНЬ 9:

ПѢРВЫ́Й КАНО́Н БОГОРÓДИЦЫ, ГЛАС 4:

Ирмо́с: Всяк земно́рóдный/ да възыгра́етсѣ, Дýхом просвещáемь,/ да торжеству́ет же
Безплóтных умóв естество́,/ почита́ющее свяще́нное торжество́ Богомáтере,/ и да
вопи́ет:/ ра́дуйсѣ, Всеблаже́нная,// Богорóдице, Чѣ́стая Присноде́во.

Припев: Пресвята́я Богорóдице, спасѣ́ нас.

Тропарь: Рáдуйся, свещé, Свет невечёрний понéсшая,/ и в Рождествé Твоём многобóжия тьму разрушívшая,/ и áдовы прóпасти избáвльшая лю́ди;// рáдуйся, Одигíтрие Богорóдице, добрót всех Предходáтаице.

Припев: Пресвятáя Богорóдице, спаси́ нас.

Тропарь: Рáдуйся, землé, из нея́же Клас прозя́бши Небéсный вёрным,/ и мiра всего́ душегубнаго глáда избáви, разúмная и одушевлéнная;/ о рáдуйся, винограде, я́же Грозд живóтный рóждшая,// Богорóдице Чiстая, Одигíтрие.

Припев: Пресвятáя Богорóдице, спаси́ нас.

Тропарь: Рáдуйся, тáйных цветóв прекрасный сýщий раю́;/ рáдуйся, Мáти Дéво, Невидимых рáзум чистотóю страннолéпно побéждши, Богородiтельнице;/ рáдуйся, Отрокови́це;// рáдуйся, Одигíтрие, всемирное чúдо и слýшание.

Припев: Пресвятáя Богорóдице, спаси́ нас.

Тропарь: Лéто животá нашéго прóчее сохрани́ невреждéнно помóжением Твоим, Дéво Отрокови́це,/ и сподóби конéц благiй получи́ти нам, воспева́ющим Тя и взывáющим:// рáдуйся, Всеблажéнная Богорóдице, Чiстая Одигíтрие.

Второй канон Богородицы, глас 4:

Припев: Пресвятáя Богорóдице, спаси́ нас.

Тропарь: Тебé, твёрдую Помóщницу рóду человекóскому, Богорóдице Марiе, лик прорóческий многообразно провозвестí,/ сень святую́, Небес прострáннейшую,/ скрижáль Богопи́санную и купину́ неопáлимую,/ дверь Богопроходную, гóру же и лéствицу, и мост, и жезл процвётший:// мы же войстину́ Богорóдицу Тя велича́ем.

Припев: Пресвятáя Богорóдице, спаси́ нас.

Тропарь: Тáйна глубины́ Рождествá Твоёго́ ум А́нгельский ужасáет, Дéво,/ и пречiстая икóна дéмоны прогóнит,/ и ли́ца нечестiвых омрачáет, и в студ поревáет:/ не терпáт бо взирáти на síлу ея́, бéгают же и исчезáют.// Мы же любéзно поклоня́емся и лобызáем, и Тя, Богорóдицу велича́ем.

Припев: Пресвятáя Богорóдице, спаси́ нас.

Тропарь: Предстáтельница сýщи неотстúпна к Вы́шнему Царю́,/ я́ко имúщи мáтерне дерзновéние непостýдно,/ в мiре глубóце правослáвных житиé утверди́ и отéчество нашé возвьiси,/ и вся полéзная дáруй всегда́ рабóм Твоим,// да Тя, Богорóдице, велича́ем.

Слáва Отцú, и Сы́ну, и Свято́му Дúху.

Тропарь: О Всеми́лостивая христиáном Помóщнице,/ не мóжет Тя воспéти достóйно ум человекóский и А́нгельский,/ я́ко всея́ твáри честнéйши, Небéсных и земнiх слáвнейши:/ всех бо родилá еси́ Творцá и Бóга,/ но, о Влады́чице,/ прими́ ми́лостивно ю́же Тебé от сёрдца возложiхом песнь,// спасáй нас всегда́, на Тя бо надéемся.

И ны́не и прiсно и во вéки векóв, ами́нь.

Тропарь: О Всеми́лостивая христиáном Помóщнице,/ не мóжет Тя воспéти достóйно ум человекóский и А́нгельский,/ я́ко всея́ твáри честнéйши, Небéсных и земнiх слáвнейши:/

всех бо родила еси Творца и Бога, / но, о Владычице, / прими милостивно юже Тебе от сердца возложим песнь, // спасай нас всегда, на Тя бо надеемся.

КАТАВАСИЯ:

Хор: **Всяк земнородный / да възграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная, // Богородице, Чистая Приснодево.**

ЕКТЕНИЯ МАЛАЯ...

Диакон: **Свят Господь Бог наш.**

СВЕТИЛЕН БОГОРОДИЦЫ:

Да почитается Всепетая Мати Божия, / Жизнь Сущую рождши, Христа Бога нашего, / райских дверей отверзение и всего мира очищение, к животу возведение: / Сей есть пророком главолавый, // Тому поклонимся, Богу и Спасу душ наших.

Слава Отцу и Сыну и Святому Духу и ныне и присно и во веки веков. Аминь.

ДРУГОЙ СВЕТИЛЕН БОГОРОДИЦЫ:

Приидите, вернии, с чистотою, возвеличим Пречистая Матере Бога нашего чудную икону / и Божественнаго Младенца, Спаса Христа, / Егоже яко рождающая на руку носивши / и матерне дерзновение к Нему имущи, // непрестанно молит за ны и подаёт рабам Своим богатыя милости.